



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

Nvm. 4. Qualitas.

urn:nbn:de:hbz:466:1-13167

tiam, ut ex *Thucydide* liquet. Hæc èd obseruaui ne mireris si ple-
raque loca Thessaliæ, & Macedoniæ locari audias ab antiquis in
Thraciâ, ut montem Othrym. Denique ultra Hellespontum
Thraciæ nomen perusit, siquidem pars Bithyniæ Thracia Asiati-
ca apud aliquos legitur. Taceo hîc Cariam Thracicam, cuius *Pau-
sanias*, & Thracas Sarapetas supra Armeniam quorum *Strabo*, me-
minere.

Hîc autem pressius Thracia & magis propriè sumitur, quate-
nus Strymone Fluuius à Macedoniâ, Æmo monte à Mæsia dispe-
scitur, quæ communior est veterum sententia. Rarior enim illa,
quæ apud *Strabonis Epitomistem* legitur, os Fl. Nessi limitem esse
Thraciæ.

LONGITUDO Thraciæ à connexione Hæmi, & Orbeli Mon-
tium ad Byzantium 2500. stadiorum.

LATITUDO ab extremâ Chersoneso Thracicâ Anchialum us-
que 2000. stadiorum: utrumque ex *Ptolemeo* colligitur.

NVM. 4. Qualitas.

A *Pomponio Melâ* describitur paulò incultior, & cælo, & solo,
ideoque infœcunda, & frigida, nisi quæ mari propior est: item &
eorum quæ seruntur malignè admodum patiens: pomiferas ar-
bores hîc raras esse asserit: vitem frequentius tolerare, tamen fru-
ctus eius nonnisi cultorum industriâ, & obiectu frondium matu-
rescere, atque mitigari.

POPULOSAM describunt Thraciam veteres omnes. *Mela* fera-
cem hominum maximè vocat; *Pausanias* ei primas post Galliam
concedit in hominum frequentiâ: Sic fortè intelligendus *Herodo-
tus*, cum maximam hanc gentem post Indos docet.

VINI feracem arguit Lycurgi Regis factum: & quia canit *Ho-
merus* vinum ex Thraciâ ad naues Achiuorum delatum esse. Et
vero apud *Plinium* fit mentio cum laude vini Maronei; & vitiferam
fuisse Thraciam circa Biblinam; hoc est Oesymnam, tradit *Athe-
neus*.

SALE carebant Thrases, & mancipia pro sale distrahebant; vn-
de sale empti nullius precij serui nominati sunt.

AVRI FODINÆ erant in monte Pangæo, quarum meminit *Xe-
nophon*; & circa Philippus, quarum mentio apud *Strabonem*. Fo-

dinas quoque Argenti h̄ic laudat *Iustinus* à Philippo Macedone
affectionata, ex quibus multūm sibi pecunia confecit.

N V M. 5. Mores.

THRACES afferi fuerunt, & feroce, vt omnes antiqui prodiderent. *Florus* docet primum captos catenas suas mortibus tentasse.

Lugebantur apud eos puerperia, & primum nati deflebantur. Putabant quidam eorum, animas immortales esse, alij mortales, & hoc satius esse iudicabant. Liberos suos ab infantia indurabant ad labores: quare colore fului, & cœrulei à *Clem. Alexandrino* describuntur. *Homerus* comatos, *Pollux* in vertice crinitos, dixerunt: punctos habere vultus apud eos gloriosum iudicabatur.

Licet illorum aliquos caruisse vxoribus cecinerit *Homerus*, arguitur tamen à *Strabone*: & Heraclides in Politiis tradit quoslibet sibi tres, aut quatuor iungere, non nullos etiam 30. sed iis tanquam famulis vti. Item mercede datâ quasi à parentibus locari, si non placeant mercede redditâ recipi à parentibus, easque cum reliquis liberis hereditatem adire.

Bellicosi erant Thraces omnes, ideoque eorum regio Martis sacra. Vtebantur in bello longioribus Romphæis, vt testatur *Li-
uius*; Cassides ex vulpinâ pelle conficiebant. Ex prædâ viuere gloriose ducebant, item & otiosum esse, Agricolæ ab iis contemnebantur. Ibi cumque non timent sanguinarios esse Thracas ait *Thucydides*. Ebrietati deditos afferunt omnes antiqui, & aut vino se inebriasi, aut Brito, quod potionis est illis genus apud *Athenaeum* ex hordeo frugib[us]que confectionum, aut certè semini- bus in ignem iactis, quorum nidor hilaritatem parit, ebrietati similem; sic *Herodotus*, & *Mela*. Mel vino miscuisse docet *Plinius*: Suidas vini reliquum quod hauriri non posset in compotationibus effudisse. Usque adeò stupidos h̄ic fuisse populos memorant, vt ultra quatuor numerare, & numerata retinere non possent.

Deos colebant Martem, Liberum, Dianam, Mercurium & indigenam Deum *Plutorum*, sic *Herodotus*: addit *Amm. Marcell.* Bellonam; quibus ait Eusebius, homines immolasse antequam suscipierent bellicam expeditionem. Cum tonabat, aut fulgurabat, in cælum sagittas torquebant, Deo minantes, quia nullum esse præter suum credebant. Reliqua de moribus Thracum ex *Herodo-
to*, *Mela*, *Athenæo*, *Solino*, & aliis colliges.